



SÁMEDIGGI
SÁMITIGGE
SÁÁ'MTE'ĠĠ
SAAMELAISKÄRÄJÄT

SAAMELAISKULTTUURIKESKUKSEN TOTEUTTAMISPROJEKTI



Euroopan unioni
Euroopan aluekehitysrahasto

DIEÐÁHUS

Oažžu olggosaddit dalán

SÁMI KULTURGUOVDDÁŽA NAMMAGILVU LÁGIDUVVO OÐÐASIT

Sámediggi ordne ođđa nammagilvvu, man dárkkuhussan lea gávdnat Sámi kulturguovddáži, mii válmmaštuvvá Anára kirkosiidii jagi 2012, dan oaivila ja doaimma govvideaddji nama. Gilvoáigi lea 18.1. – 17.3.2010.

Gilvvu čoavdá 10-lahttosas bálkkašanlávdegoddi, masa gullá okta ovddasteaddji kulturguovddáža juohke geavaheaddjiorganisašuvnnas (oktiibuot 8 ovddasteaddji) ja maiddá ovddasteaddjit Senaatti-giddodagain ja kulturguovddáža arkitektagilvvu vuotán plánejeaddji joavkkus. Lávdegoddi lea nammadan gaskavuodastis 4- lahttosas bargolávdegotti árvvoštallat bohtán nammaevttohusaid ja maiddá válmmaštallat bálkkašanlávdegoddi evttohusa gilvvu vuotievttosain.

Nammagilvu lágiduvvui vuosttas háve golggotmánus 2009, dalle mearreáiggis bohtán ja bálkkašanlávdegotti čoahkkimis 10.12.2009 giedahallamii ja árvvoštallamii dohkkehuvvon nammaevttohusat ledje oktiibuot 69 stuhka. Bálkkašanlávdegoddi guđii rabakeahtá guhtta maŋnonan dahje muđui njuolggadusaid vuostásaččat doaimmahuvvon evttohuskonfeluhta.

Nammagilvvuin ohccojuvvui Sámi kulturguovddáži oanehis, deaivilis, milliibáhcci ja erenomáš sámegeilat namma, mii govvida kulturguovddáža kultuvrralaš dárkkuhusa ja mearkkašumi, sápmelaš iešvuodálági, viiddis ja maŋggabealat doaimma ja maiddá dan arkitektuvrralaš hápmegiela.

Bálkkašanlávdegoddi čoahkkani Avvilis 13.1.2010 giedahallat nammagilvui välljejuvvon bargolávdegotti evttohusa nammaevttohusain ja ođđa, dárkkistuvvon gilvonjuolggadusaid. Bálkkašanlávdegoddi lei seamma oaivilis bargolávdegottiin das, ahte árvvoštallot dohkkehuvvon nammaevttohusaid joavkkus ii gávno oktage gilvvu njuolggadusain dárkkuhuvvon gáibádusaid deavdi evttohus. Nuba bálkkašanlávdegoddi mearridii evttohit bargolávdegotti evttohusa mielde, ahte Sámediggi lágida ođđa, bálkkašanlávdegotti dohkkehan njuolggadusaid mielde nammagilvvu 18.1.2010 – 17.3.2010. Gilvoáigi lea guokte mánotbaji. Ođđa gilvvus váldojit vuhtii almmá sierra gáibádusa bálkkašanlávdegotti 10.12.2009 hilgon evttohusat.

Ođđa gilvvu njuolggadusat ja maiddá vuosttas nammagilvui bohtán dohkkehuvvon evttohusat gávnojit Sámi kulturguovddáža ruoktosiiduin www.samediggi.fi/skk 18.1.2010.

Lassidieđuid addá Sámedikki hálddahushoavda ja bálkkašanlávdegotti čáli Juha Guttorm t. 0400–142 518, bálkkašanlávdegotti ságajođiheadji Janne Näkkäläjärvi t. 040-7599 427 ja maiddá bálkkašanlávdegotti várreságajođiheadji Eija Leivo t. 040–8304 886

Sámi kulturguovddáš, mii huksejuvvo Anára kirkosiidii, bohtá leat Suoma sápmelaččaid hálddahusa ja kultuvrra guovddáš. Sámi kulturguovddáža dárkkuhussan lea láchit sápmelaččaide buoret vejolašvuodaid iežaset eavttuid mielde doalahit ja ovddidit gielaset, kultuvrraset ja ealáhusdoaimmaset ja maiddá fuolahit ja ovddidit kulturiešráđđema ja doarjut sápmelaččaid almmolaš eallineavttuid ovdáneami. Kulturguovddáš buorida maiddá dovdomassii vejolašvuodaid juohkit dieđuid sápmelaččain eamiálbmogin. Sámi kulturguovddáža huksemii leat mieđihuvvon 5 miljovvna euro Eurohpa uniovvna guovloovddidanfoandda ruđat.